

Script of Evening Gojri News Bulletin 11 November 2024 at 1700 Hrs

ایوننگ گو جری نیوز بلیٹن مو رخہ 11 نومبر 2024

یوہ آکا شوانی جموں بے عبدالرحمن شاہین تے نصرت چودھری تیں خبر سُنو۔ پہلاں خاص خاص خبر۔

*1 وزیر اعظم نریندر مودی نے کہیو بے کہ پوری دُنیا بھارتی نوجوانان غی صلاحیتاں تیں متاثر بے۔

*2 وزیر خارجہ ڈاکٹر ایس جے شنکر نے بھارت تے روس بشکار تعلقات نانہ مضبوط کرن غی ضرورت نانہ اُجاگر کیو۔

*3 وزیر اعلیٰ عمر عبداللہ نے اج سول سیکریٹریٹ جموں سالانی انتظامی بدلاؤ غی روایت گا حصہ غا طور ور سردیاں آلی راجدھانی تیں کم شروع کیو۔

*4 2024 مانہ دہشت گرانہ حملان نے جموں غا 10 وچوں 8 ضلعان نانہ متاثر کیو۔ جس غا نتیجہ مانہ 13 دہشت گردان سمیت 44 افراد ہلاک ہوا ہیں۔

*5 تے 10 روزہ سالانہ جھڑی میلو 14 تیں 24 نومبر توڑی جموں شہر غا گراں جھڑی مانہ شروع وے گو۔

خبراں غی تفصیل نال پہلاں عبدالرحمن شاہین۔

PM Swami Narayan Mandir

وزیر اعظم نریندر مودی نے کہیو جے بھارتی نوجوانان غی صلاحیتاں غی جانب پوری دُنیا متوجہ ہو رہی بے۔ انہاں نے کہیو جے زیادہ تر عالمی رہنما یاہ امید کریں جے بھارتی نوجوان اور ہنرمند افراد قوت اُن غا ملکان مانہ کم کرے۔ گجرات غا وادتل علا

قہ مانہ شری سوامی نرائین مندر غی 200 سالہ تقریبات غا اک پروگرام سنگ اج سویرے ویڈیو کا نفرنسنگ غے ذریعے خطاب کرتاں واں جناب مودی نے کہیو جے

عالمی سطح ور مہاراجا نوجوانان غی مانگ مانہ مزید اضافو وے گو۔ انہاں نے کہیو جے نوجوانان نانہ اک ترقی یافتہ بھارت واسطے با اختیار بننو چاہیے۔ اور ہنرمند نوجوان

ملک غی سب تیں بڑی طاقت بنیں گا۔ وزیر اعظم نے ملک غی عوام ور زور دتو جے وے ترقی یافتہ بھارت غا نظریہ نانہ اپناویں اور آئندہ 25 بہراں مانہ اس غی

حصولیابی غی خاطر سرگرمی سنگ تعاون کریں۔ وزیر اعظم نے تعلیم ہنرمندی غا فروغ، نشہ غی لت تیں نجات دلان اور روحانیت و جدیدیت نانہ پروئے کار لیا تاں واں نوی نسل

غی تعمیر غا سلسلہ مانہ سوامی نرائین غی گراں قدر خدمات غی وی ستائش کی۔ اپنی حکومت وکاس وی وراثت وی بنیادی فلسفہ نانہ دُہراتاں واں انہاں نے کہیو جے

کوئی ملک اپنی وراثت اور میراث غو تحفظ کیاں بغیر ترقی نہیں کر سکتو۔ انہاں نے عوام نانہ تے بھارت غا روحانی لیڈراں ور زور دتو بے جے ملک غی رچی پھری وراثت ور

فخر کریں تے اس غی آن آلی نسلان تک منتقلی نانہ یقینی بناویں۔ گجرات غا کھیڑہ ضلع مانہ وادتل مندر غی ان تقریبات مانہ پورا ملک تیں ہزاراں زائرین شرکت کر رہیا ہیں۔ یہ

تقریبات جھیڑیں 7 نومبر نانہ پوٹھی یا ترہ و کلش یا ترہ تیں شروع ہونی تھیں۔ 15 نومبر تک جاری رہیں گی۔

Jaishanker India Russia

بھارت غا وزیر خارجہ ڈاکٹر ایس جے شنکر نے ممبئی مانہ بھارت روس بزنس فورم مانہ اپنی کلیدی تقریر غے دوران بھارت تے روس غے درمیان تجارتی تعلقات مانہ مضبوط بنان غی اہمیت ور زور دتو۔ اس تقریب مانہ روس غا پہلا نائب وزیر اعظم تے دیگر اہم شخصیات نے شرکت کی۔ ڈاکٹر جے شنکر نے اس گل ور روشنی کہلی کہ دوہاں ملکاں غے درمیان موجودہ تجارت 66 بلین ڈالر ہے جس غو ہدف 2030 توڑی 100 بلین ڈالر توڑی تجاوز کرنو ہے۔ انہاں نے ٹرانسپورٹ، بینکنگ تے مالیاتی تبادلہ جیسا شعباں مانہ تسلیم کیو۔ لیکن اس اعتماد غو اظہار کیو کہ دوئے ملک باہمی تعاون واسطے کم کر رہیا ہیں۔

51st CJI Oath

جسٹس سنجیو کھنہ نے اج بھارت غا 51 واں چیف جسٹس غا طور ور حلف لیو۔ صدر جمہوریہ دروپدی مرمو نے اج سویرے راشٹریتی بھون مانہ اک خصوصی تقریب مانہ انہاں مانہ عہدہ غو حلف دوايو۔ جسٹس کھنہ جنہاں مانہ 2005 مانہ دہلی ہائی کورٹ غا اڈیشنل جج غا طور ور مقرر کیو گيو تھو تے 2006 مانہ مستقل جج بنیا تھا۔ جنوری 2019 مانہ سپریم کورٹ مانہ ترقی پایا تھا۔ وے جسٹس ڈی وائی چندر چٹ غی جگہ لیں غا۔ جنہاں نے کل عہدو چھوڑیو تھو۔

PM CJI Khana

وزیر اعظم نریندر مودی نے جسٹس سنجیو کھنہ مانہ بھارت غی عدالت عظمیٰ سپریم کورٹ غا چیف جسٹس غے طور حلف لین ور اپنی نیک خواہشات غو اظہار کیو ہے۔ اک سماجی ذرائع ابلاغ پوسٹ مانہ جناب مودی نے کہیو ہے جے انہاں نے جسٹس سنجیو کھنہ غی حلف برداری غی تقریب مانہ شرکت کی ہے۔ جنہاں نے بھارتیہ سپریم کورٹ غا چیف جسٹس غو عہدو سنبھالیو ہے۔ وزیر اعظم نے جسٹس سنجیو کھنہ غا اس عہد بارے انہاں مانہ اپنی نیک خواہشات پیش کی ہیں۔

NHRC Programe

انسانی حقوق بارے قومی کمیشن این ایچ آر سی غی طرفوں خارجہ وزارت غا اشتراک سنگ اج تیں نوی دہلی مانہ 6 روزہ بھارتیہ تکنیکی و اقتصادی تعاونی عملی صلاحیتی تعمیر پروگرام منعقد کیو جا رہیو ہے۔ مالدیپ، نیپال، سری لنکا تے تھائی لینڈ سمیت 8 ملکاں تیں انسانی حقوق بارے قومی ادارہ غا سینئر عہدیدار تے کئی دوجی شخصیات اس پروگرام مانہ شرکت کریں گی۔ این ایچ آر سی غو کہنو ہے جے اس پروگرام غو مقصد بکھ بکھ خطاں مانہ انسانی حقوق مانہ بادل دینو تحفظ تے مضبوط بنانو ہے۔

NED Poonch

پونچھ مانہ دینا ناتھ رفیق میموریل لڑکیاں غا گورنمنٹ ہائر سکینڈی اسکول مانہ اج قومی یوم تعلیم بڑا جوش و جذبہ سنگ منایو گيو ہے۔ اس تقریب غے دوران آزاد بھارت غا پہلا وزیر تعلیم مولانا ابولکلام آزاد غا جنم دن مانہ یاد کیو گيو۔ تے انہاں نے تعلیمی میدان مانہ خدمات غی عزت افزائی کی گئی۔ اتوں مہاراضلع نامہ نگار انوبھو مصری غے مطابق اس پروگرام مانہ ڈپٹی کمشنر وکاس کُنڈل مہمان خصوصی تھا۔ اس

موقعہ و ر اپنا خطاب مانہ ڈپٹی کمشنر پونچھ نے با اختیاریت سے ترقی با رے تعلیم غی اہمیت نانہ اُجاگر کیو۔ اُنہاں نے طالب علماں نانہ کہیو جے وے مہان لیڈر مولانہ ابوالکلام آزاد غا نقش قدم ور چلیں جنہاں نے بھارت مانہ جدید تعلیمی نظام غی بنیاد رکھی۔ اُنہاں نے علاقہ مانہ تعلیمی ڈھانچہ سے رسائی نانہ بدھان غا مقصد سنگ حکومتی اقدامات غو وی ذکر کیو۔ سکول غا طالب علماں نے اس موقعہ و ر تقاریر، ناٹک سے نظم پیش کر غے مولانہ ابوالکلام آزاد غی زندگی غی حصولیابیاں ور لو کہلی۔ اُنہاں نے خاص کر محروم طبقات با رے تعلیمی بابدو دین غا اُن غا نمایاں رول نانہ اُجاگر کیو سے بھارتیہ ٹیکنالوجی ادارہ یعنی آئی آئی ٹیز سے یونیورسٹی گرانٹ کمیشن یعنی یوجی سی قائم کرن با رے اُن غی کوششاں نانہ یاد کیو۔

یہ خبر تم آکاشوانی جموں تیں سُن رہیا ہیں خبراں غا باقی حصہ نال نصرت چودھری۔

CM Jammu

وزیر اعلیٰ عمر عبداللہ نے اج سول سیکریٹریٹ جموں تیں کم شروع کیو۔ آکاشوانی جموں غا نامہ نگار نے دسیو ہے کہ عمر عبداللہ نے اج سول سیکریٹریٹ جموں گو اپنو پہلو دورو کیو۔ جت پُجن ور عمر عبداللہ غا قانون سازاں، رہنماواں سے عہدیداراں نے گرم جو شی نال خیر مقدم کیو، تے جموں خطہ غا اہم شراکت داراں غے نال گل بات قائم کی۔ اپنا دورہ غے دوران عمر عبداللہ نے وزراء، قانون سازاں تے علاقائی رہنماواں غے نال نتیجہ خیز گل بات کی۔ اتوار آلیے روز عمر عبداللہ نانہ جموں پُجن واسطے سڑک غو رستو اختیار کرن ور مجبور کیو گیو تھو کیونجے موسم ناساز ہون غی وجہ تیں پرواز نانہ سرینگر ہوائی اڈا تیں اُڑان پھرن تیں روک دتو گیو تھو۔ دفعہ 370 غی منسوخی تیں بعد جموں کشمیر غا پہلا وزیر اعلیٰ غا طور ر عمر عبداللہ غا سول سیکریٹریٹ جموں غو دورو بہت اہمیت غو حامل ہے۔ نائب وزیر اعلیٰ، کابینہ غا وزراء، چیف سیکریٹری، انتظامی سیکریٹریاں تے محکماں گا سربراہاں نے وی جموں تیں اپنو کم دوبارہ شروع کیو۔ 23 اکتوبر نانہ عام انتظامیہ محکمہ غی طرفوں جاری کردہ اک حکم غے مطابق صرف انتظامی سیکریٹریاں تے اعلیٰ محکماں گا سربراہاں سرینگر تیں جموں منتقل وین گا۔ عمر عبداللہ نے سرینگر تیں سول سیکریٹری جموں مانہ اپنا دفتر مانہ حاضری واسطے اپنا روڈ ٹرپ غی جھلکیاں نانہ شنیر کیو۔ جدان غی فلائیٹ خراب موسم غی وجہ تیں منسوخ ہو گئی تھی۔ سالانہ دربار رسم جموں کشمیر مانہ 2020 مانہ کو یڈ 19 وبائی امراض غے دوران روک دتی گئی تھی۔ وادی مانہ سخت سردی گا حالات غی وجہ تیں اکتوبر سے مئی توڑی حکومت نانہ سرینگر تیں جموں منتقل کرنو شامل وے تھو۔ سرینگر مانہ سول سیکریٹریٹ وی فی الحال رہ گو۔

Terror Activities Jk

راجو ری تے پونچھ دوہاں سرحدی ضلعان مانہ گذشتہ 3 بہراں مانہ حملہ تیں بعد دہشت گردی غی سرگرمیاں اس سال جموں خطہ غا 6 دیگر ضلعان مانہ پھیل گئی ہیں۔ جس مانہ 18 سکیورٹی اہلکاراں تے 13 دہشت گرداں سمیت 44 افراد ہلاک ہوا ہیں۔ سکیورٹی حکام نے اج دسیو ہے کہ اگرچہ راجو ری تے پونچھ غا پیر پنجال خطہ مانہ گذشتہ بہراں غا مقابلہ مانہ 2024 مانہ دہشت گرداں غی سرگرمیاں مانہ خاطر خواہ کمی دیکھی گئی ہے۔ لیکن اپریل تیں ریا سی، ڈوڈہ، کشتواڑ، کٹھوعہ، اڈھم پور تے جموں مانہ واقعات غو سلسلو جاری ہے۔ اس تیں بعد سکیورٹی ایجنسیاں واسطے خدشات پیدا ہو سکیں۔ پاکستان

مانہہ دہشت گرداں گا سربراہان غی پُر امن علاقہ مانہہ دہشت پھیلان غی کوششاں نانہہ ناکام بنان واسطے حکام نے کہیو کہ فوج نے پولیس تے سینٹرل آرمڈ پولیس فورس غے نال حساس علاقہ مانہہ مسلسل آپریشن شروع کیا ہیں۔ خاص طور ور گھنا جنگلاں مانہہ۔

Kishtwar Search Operation

کشتواڑ ضلع مانہہ کیشوان تے اس مضافاتی علاقہ مانہہ جنگلاں حفاظتی دستاں غی طرفوں تلاشی آپریشن آج وی جاری ہے۔ جت کل حفاظتی دستاں تے دہشت گرداں ہشکار گولی باری مانہہ اک فوجی افسر شہید ہو گئے تھو۔ اس علاقہ مانہہ دہشت گرداں غا چھپا ہون غو شق ہے۔ آکاشوانی جموں غا نامہ نگار نے دسیو ہے جے حفاظتی دستاں پچھلا 4 تہاڑاں تیں ان دہشت گرداں غی کھوج مانہہ جنگلاں تی علاقہ مانہہ تلاشی کر رہی ہیں۔ جنہاں نے پچھلے ویر واریں 2 گرائیں دفاعی گارڈز وی ڈی جیز نانہہ اغواہ کر غے مار دتو تھو۔ کیشوان جنگلاں تی علاقہ مانہہ کل تقریباً 11 بجے جد فوج تے پولیس غی سانجی پارٹی غی طرفوں تلاشی آپریشن چلايو جا رہیو تھو تاں حفاظتی دستاں تے دہشت گرداں ہشکار اک ٹاکرو پیش آيو۔ جس دوران فوج غا خصوصی دستہ پیرا 2 غو اک جو نینر کمیشنڈ افسر نائب صوبیدار راکیش کمار شہید ہو گئے۔ تے اس دو طرفہ فائرنگ غے دوران 3 سپاہی زخمی وی ہو گیا۔ اتوار آلا اس تصادم تیں بعد دہشت گرداں سنگ کوئی تازہ آمنو سامنو یاہ ٹاکرو نہیں ہووے۔ ہلاکت غا ذمہ دار 3 تیں 4 دہشت گرداں گات چھپیا ہون غو اندیشو ہے تے انہاں نانہہ ختم کرن بارے اس علاقہ مانہہ وسیع تلاشی آپریشن چل رہیو ہے۔

Kishtwar House Fire

ضلع کشتواڑ مانہہ آج سویرے اک کہر مانہہ اک لگن سنگ 1 خاتون تے اس غا دو بچہ اپنی جان تیں ہتھ دوہ بیٹھا۔ جان بحق ہون آلاں مانہہ نازیہ بیگم، ان غی بیٹی آمنہ تے ان غو بیٹو رضوان شامل ہیں۔ دریشالہ غا گراں بدھت جسر مانہہ خرشید احمد غا کہر مانہہ سویرے ساڈھے 4 بجے غے قریب اک لگن نازیہ تے اُس غا بچہ سو رہیا تھا۔ تے وقت ور باہر نہ آسکیا۔ اک لگن غی وجہ فی الحال معلوم نہیں ہو سکی ہے۔ تے اتوار آلی رات نانہہ اک الگ واقعہ مانہہ کشتواڑ ضلع غا چھاترو مانہہ وی اک گجر بکروال لڑکاں غا ہوسٹل مانہہ اک لگن تیں نقصان پُجیو ہے۔ لیکن اک غی وجہ تیں کوئی زخمی نہیں ہووے۔

JK Jhiri Mela

سالانہ جھڑی میلو جموں غے قریب جھڑی گراں مانہہ منایو جان آلو 10 روزہ میلو ہے اس سال نومبر مہینہ غی 14 تیں 24 تاریخ تک یوہ میلو منعقد وے گو۔ روایتی تقریب جھڑی ہر سال اکتوبر یا نومبر غی کارٹیک پرنیما غے آس پاس منعقد وے، بابا جیتو غی وراثت غو احترام کرے، جھڑا 16 ویں صدی کا ڈوگرہ کسان ہیں۔ جھڑا اپنی ہمت، ایمانداری تے انصاف واسطے مشہور ہیں۔ بابا جیتو اک برہمن تے ماتا ویشنو دیوی غا بھگت تھا۔ جھڑا مقامی زمیندار گا دھوکہ مانہہ آغے انہاں نے اپنی جان قربان کر دتی تھی، میلو بھارت تے بیرونی ملک تیں تقریباً 20 لکھ عقیدت منداں نانہہ راغب کرے۔ جھڑا ایمانداری تے معاسومیت غا اس اقدار نانہہ خراج تحسین پیش کرن آویں۔ حکومت نے شرکاء، خاص طور ور کساناں غی فلاحی اسکیمیں ذریعہ ترقی تے مقامی طور ور تیار کردہ، بیج تے کھاد تیں آگاہ کرن واسطے معلوماتی بو تھ قائم کیا ہیں۔ یوہ میلو کا

ریگراں نانہ روایتی دستکاری غی نمائش واسطے اک پلیٹ فارم وی فراہم کراوے۔
جھڑو خطہ غی بھرپور ثقافت نانہ فروغ دے۔ انتظامیہ نے بہتر بنیادی ڈھانچہ، سڑکاں
غی توسیع کاری، صفائی ستھرائی، بجوم غو انتظام تے پانی بجلی تے صحت سہولیات
جیسی ضروری خدمات غے نا اک ہموار تقریب نانہ یقینی بنان واسطے اقدامات کیا ہیں۔
جھڑی میلوں نہ صرف جموں غا ثقافتی ورثہ نانہ مناوے بلکہ مقامی ذراعت تے دیہی
بہبود نانہ وی مدد دے۔

اس غے نال ہی خبراں غو یوہ بلیٹن ختم ہوؤ۔